

## Тұрмыстық баллондарды сәйкестендіру және тұрмыстық баллондарды есепке алу жүйелерінің жұмыс істеу қағидаларын бекіту туралы

Қазақстан Республикасы Энергетика министрінің 2022 жылғы 4 тамыздағы № 257 бұйрығы. Қазақстан Республикасының Әділет министрлігінде 2022 жылғы 8 тамызда № 29040 болып тіркелді.

### **ЗҚАИ-ның ескертпесі!**

### **Бұйрықтың қолданысқа енгізілу тәртібін 4-т. қараңыз.**

"Газ және газбен жабдықтау туралы" Қазақстан Республикасының Заңы 6-бабының 18-б) тармақшасына сәйкес БҰЙЫРАМЫН:

1. Қоса беріліп отырған Тұрмыстық баллондарды сәйкестендіру және тұрмыстық баллондарды есепке алу жүйелерінің жұмыс істеу қағидалары бекітілсін.

2. Қазақстан Республикасы Энергетика министрлігінің Газ және мұнай-газ-химия департаменті Қазақстан Республикасының заңнамасында белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрықты Қазақстан Республикасы Энергетика министрлігінің интернет-ресурсында орналастыруды;

3) осы бұйрық Қазақстан Республикасы Әділет министрлігінде мемлекеттік тіркелгеннен кейін он жұмыс күні ішінде Қазақстан Республикасы Энергетика министрлігінің Заң қызметі департаментіне осы тармақтың 1) және 2) тармақшаларында көзделген іс-шаралардың орындалғаны туралы мәліметтерді ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының энергетика вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік алпыс күн өткен соң қолданысқа енгізіледі.

Қазақстан Республикасы  
Энергетика министрі

Б. Акчулаков

"КЕЛІСІЛДІ"

Қазақстан Республикасы  
Индустрия және инфрақұрылымдық  
даму министрлігі

"КЕЛІСІЛДІ"

Қазақстан Республикасы  
Төтенше жағдайлар министрлігі

"КЕЛІСІЛДІ"

Қазақстан Республикасының  
Ұлттық экономика министрлігі  
"КЕЛІСІЛДІ"

Қазақстан Республикасының  
Цифрлық даму, инновациялар және  
аэроғарыш өнеркәсібі министрлігі

Қазақстан Республикасы  
Энергетика министрі  
2022 жылғы 4 тамыздағы  
№ 257 Бұйрығымен  
бекітілген

## **Тұрмыстық баллондарды сәйкестендіру және тұрмыстық баллондарды есепке алу жүйелерінің жұмыс істеу қағидалары**

### **1-тарау. Жалпы ережелер**

1. Осы Тұрмыстық баллондарды сәйкестендіру және тұрмыстық баллондарды есепке алу жүйелерінің жұмыс істеу қағидалары (бұдан әрі – Қағидалар) "Газ және газбен жабдықтау туралы" Қазақстан Республикасы Заңы (бұдан әрі – Заң) 6-бабының 18-б) тармақшасына және 29-бабының 5-тармағына сәйкес әзірленген және тұрмыстық баллондарды сәйкестендіру және тұрмыстық баллондарды есепке алу жүйелерінің жұмыс істеу тәртібін айқындайды.

2. Осы Қағидаларда пайдаланылатын ұғымдар:

1) газ толтыру пункті – сұйытылған мұнай газын сақтауға, тұрмыстық баллондарға қотаруға және құюға арналған инженерлік құрылыс;

2) "Қазақстан Республикасының жер қойнауын пайдалануды басқарудың бірыңғай мемлекеттік жүйесі" ақпараттық жүйесі (бұдан әрі – ББМЖ) – жер қойнауын пайдалану саласындағы ақпаратты жинауға, сақтауға, талдауға және өңдеуге арналған көмірсутектер және уран өндіру саласындағы уәкілетті органның ақпараттық жүйесі;

3) тұрмыстық баллондарды есепке алу жүйесі – тұрмыстық баллондардың айналымы және тұрмыстық баллондарда өткізілетін сұйытылған мұнай газының көлемі туралы ақпаратты автоматты түрде жинауға, өңдеуге, сақтауға және беруге арналған техникалық құрылғылар мен бағдарламалық қамтылым кешені;

4) тұрмыстық баллонның бірегей зауыттық нөмірі – осы тұрмыстық баллонды өндірушінің тұрмыстық баллонға қойған бірегей нөмірі;

5) тұрмыстық баллонның бірегей коды – сұйытылған мұнай газының тұрмыстық баллондарға әрбір құйылуын бірмәнді сәйкестендіретін, ББМЖ генерациялайтын символдардың қайталанбайтын бірегей тізбегі;

6) уәкілетті орган – газды өндіруді, тасымалдауды (тасуды), сақтауды және көтерме саудада өткізуді, сондай-ақ тауарлық және сұйытылған мұнай газын бөлшек саудада өткізуді және тұтынуды мемлекеттік реттеуді жүзеге асыратын орталық атқарушы орган;

7) уәкілетті органның ақпараттық жүйесі – жер қойнауын пайдалану саласындағы ақпаратты жинауға, сақтауға, талдауға және өңдеуге арналған "Қазақстан Республикасының жер қойнауын пайдалануды басқарудың бірыңғай мемлекеттік жүйесі" интеграцияланған ақпараттық жүйесі;

8) электрондық цифрлық қолтаңба (бұдан әрі – ЭЦҚ) – ЭЦҚ құралдарымен жасалған және электрондық құжаттың анықтығын, оның тиесілілігін және мазмұнының өзгермейтіндігін растайтын электрондық цифрлық нышандар жиынтығы.

**2-тарау. Тұрмыстық баллондарды есепке алу жүйелеріне қойылатын талаптар және олардың осындай талаптарға сәйкестігін растау тәртібі, тұрмыстық баллондарды есепке алу жүйелерін белгіленген талаптарға сәйкес емес деп танудың негіздері мен тәртібі**

3. Тұрмыстық баллондарды есепке алу жүйелері "Ақпараттандыру туралы" Қазақстан Республикасының Заңы 38-бабының 2-тармағына сәйкес және мынадай талаптарды сақтай отырып құрылады, дамиды және жұмыс істейді:

1) тұрмыстық баллондарды бірегей зауыттық нөмірі бойынша есепке алуды қамтамасыз ету;

2) өнеркәсіптік пайдалануда;

3) уәкілетті органның ақпараттық жүйесімен интеграциялау;

4) Қазақстан Республикасы Үкіметінің 2016 жылғы 20 желтоқсандағы № 832 қаулысымен бекітілген Ақпараттық-коммуникациялық технологиялар және ақпараттық қауіпсіздікті қамтамасыз ету саласындағы бірыңғай талаптарға сәйкес келу.

4. Ақпараттық қауіпсіздік талаптарына сәйкестікке сынақтардың оң нәтижелері бар сынақтар хаттамаларының болуы және уәкілетті органның ақпараттық жүйесімен интеграцияның болуы олардың белгіленген талаптарға сәйкестігін растау үшін негіз болып табылады.

Ақпараттық қауіпсіздік талаптарына сәйкестігіне сынақтар жүргізу "Ақпараттандыру туралы" Қазақстан Республикасы Заңының 7-1-бабының 5) тармақшасына сәйкес ақпараттық қауіпсіздікті қамтамасыз ету саласындағы уәкілетті орган бекітетін "электрондық үкіметтің" ақпараттық объектілерінің және ақпараттық-коммуникациялық инфрақұрылымның аса маңызды объектілерінің ақпараттық қауіпсіздік талаптарына сәйкестігіне сынақтар жүргізу қағидаларына сәйкес жүзеге асырылады.

**Ескерту. 4-тармақ жаңа редакцияда - ҚР Энергетика министрінің 26.04.2024 № 173 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

5. Осы Қағидалардың 4-тармағында көзделген шарттарға сәйкес келмеу тұрмыстық баллондарды есепке алу жүйелерін белгіленген талаптарға сәйкес келмейді деп тану үшін негіз болып табылады.

6. Тұрмыстық баллондарды есепке алудың меншікті жүйелері болмаған кезде газ толтыру пункттерінің иелері тұрмыстық баллондарды сәйкестендіру және есепке алу жөніндегі уәкілетті органның ақпараттық жүйесін пайдаланады.

7. Уәкілетті органның ақпараттық жүйесіне ақпаратты енгізу жеке кабинет арқылы жүзеге асырылады.

8. Уәкілетті органның ақпараттық жүйесіне ақпаратты енгізу бойынша қолжетімділік жергілікті атқарушы органдарға және газ толтыру пункттерінің иелеріне беріледі және уәкілетті органның ақпараттық жүйесінде тіркелу жолымен жеке кабинет арқылы жүзеге асырылады.

### **3-тарау. Тұрмыстық баллондарды есепке алу жүйелерін уәкілетті органның ақпараттық жүйесімен синхрондау тәртібі**

9. Газ толтыру пункттерінің иелері Заңның 28-бабы 6-тармағының 3) тармақшасына сәйкес тұрмыстық баллондарды есепке алу жүйелерімен берілген бірегей кодпен және (немесе) газ толтыру пункті иесінің тауар таңбасымен тұрмыстық баллондарды сәйкестендіруге міндетті.

10. Бірегей код мынадай деректерді қамтиды:

1) газ толтыру пунктінің атауы;

2) бизнес сәйкестендіру нөмірі немесе газ толтыру пункті иесінің жеке сәйкестендіру нөмірі;

3) құю күні;

4) тұрмыстық баллонның бірегей зауыттық нөмірі;

5) тұрмыстық баллонға құйылған сұйытылған мұнай газының мөлшері;

6) тұрмыстық баллонды куәландыру күні;

7) тұрмыстық баллонды жөндеу күні.

11. Тұрмыстық баллондарды есепке алу жүйелерін уәкілетті органның ақпараттық жүйесімен синхрондау тұрмыстық баллондарды есепке алу жүйелерін уәкілетті органның ақпараттық жүйесімен интеграциялау арқылы қамтамасыз етіледі

12. Тұрмыстық баллондарды есепке алу жүйелерін уәкілетті органның ақпараттық жүйесімен интеграциялау Қазақстан Республикасы Ақпарат және коммуникациялар министрінің міндетін атқарушының 2018 жылғы 29 наурыздағы № 123 бұйрығымен бекітілген "Электрондық үкіметтің" ақпараттандыру объектілерін интеграциялау қағидаларына сәйкес өнеркәсіптік пайдалануға енгізілген "электрондық үкіметтің" сыртқы шлюзі арқылы ғана жүзеге асырылады.

13. Уәкілетті органның ақпараттық жүйесімен интеграцияланатын электрондық ақпараттық ресурстары, интерфейсі, техникалық құжаттамасы және басқа да ілеспе құжаттары қазақ және орыс тілдерінде жасалады және бес жыл бойына сақталады.

14. Тұрмыстық баллондарды есепке алу жүйелерін дербес деректер берілетін және (немесе) дербес деректерге қолжетімділік қамтамасыз етілетін уәкілетті органның

ақпараттық жүйесімен интеграциялау дербес деректерді қорғау саласындағы уәкілетті органмен келісу бойынша жүзеге асырылады.

#### **4-тарау. Тұрмыстық баллондарға қойылатын талаптар және оларды сәйкестендіру тәртібі, тұрмыстық баллондарды есепке алу жүйесінде тұрмыстық баллондарды есепке алу шарттары**

15. Қазақстан Республикасы Ішкі істер министрінің 2017 жылғы 9 қазандағы № 673 бұйрығымен бекітілген (Нормативтік құқықтық актілерді мемлекеттік тіркеу тізілімінде № 15986 болып тіркелген) Газбен жабдықтау жүйелері объектілерінің қауіпсіздігі жөніндегі талаптарға (бұдан әрі – Талаптар) сәйкес келетін тұрмыстық баллондардың айналымына және тұрмыстық баллондарды есепке алу жүйесінде тіркеуге жол беріледі.

16. Тұрмыстық баллондар Талаптарға сәйкес келсе, тұрмыстық баллондарды есепке алу жүйесінде есепке алынады.

17. Тұрмыстық баллондардың Талаптарға сәйкестігін тексеруді газ толтыру пункттерінің иелері жүзеге асырады.

18. Тұрмыстық баллондарды есепке алу жүйесінде тұрмыстық баллондарды есепке алуды газ толтыру пункттерінің иелері жүргізеді.

#### **5-тарау. Тұрмыстық баллондарды есепке алу жүйесінде тұрмыстық баллондарды есепке алу тәртібі**

19. Тұрмыстық баллондарды есепке алу жүйесінде тұрмыстық баллонды бастапқы тіркеу кезінде газ толтыру пунктінің иесі мынадай тіркеу деректерін енгізеді:

- 1) тұрмыстық баллонның бірегей зауыттық нөмірі;
- 2) тұрмыстық баллонның сыйымдылығы;
- 3) тұрмыстық баллонның жасалған күні;
- 4) тұрмыстық баллонды соңғы жөндеу және (немесе) салыстырып тексеру күні;
- 5) тұрмыстық баллонды жөндеуге және (немесе) салыстырып тексеруге жауапты адамның тегі, аты, әкесінің аты (бар болса).

Осы тармақтың 4) және 5) тармақшаларында көрсетілген мәліметтер болмаған жағдайда, газ толтыру пунктінің иесі тұрмыстық баллондарды салыстырып тексеруді және (немесе) жөндеуді жүзеге асырады, ол туралы тұрмыстық баллондарды есепке алу жүйесіне тиісті ақпарат енгізіледі.

20. Тұрмыстық баллонды сатудың кезінде газ толтыру пунктінің иесі тұрмыстық баллондарды есепке алу жүйесіне мынадай мәліметтерді енгізеді:

- 1) тұрмыстық баллонды толтыру күні;
- 2) тұрмыстық баллонды сату күні;
- 3) тұрмыстық баллонды сатып алған адамның жеке сәйкестендіру нөмірі және тұрғылықты жері.

21. Өткізілген тұрмыстық баллондар және тұрмыстық баллондарда өткізілген сұйытылған мұнай газының көлемі туралы мәліметтерді қалыптастыру уәкілетті органның ақпараттық жүйесінде жүзеге асырылады.

Газ толтыру пунктiнiң иесi сатқан тұрмыстық баллондар саны бойынша да, тұрмыстық баллондар арқылы өткізілген сұйытылған мұнай газының көлемі бойынша да мәлімет есепке алынады.

Бұл ретте, бiр тұрғылықты жерi бойынша тiркелген бiр немесе бiрнеше адамға сатылған тұрмыстық баллондар, мұндай адамдарға өткізілген сұйытылған мұнай газының жалпы массасы күнтізбелік ай үшін 50 (елу) килограмнан асатын болса, есепке алынбайды.

Газ толтыру пунктiнiң иесi "Дербес деректер және оларды қорғау туралы" Қазақстан Республикасының Заңында белгіленген талаптардың сақталуын ескере отырып, тұрмыстық баллондарды сатып алатын тұлғалар туралы мәліметтерді жинайды.

22. Газ толтыру пункттері бөлінісіндегі тұрмыстық баллондардың айналымы және газ толтыру пункттерінде баллондар арқылы өткізілген сұйытылған мұнай газының көлемі туралы ақпарат уәкілетті органның ақпараттық жүйесіне жіберіледі.

23. Газ толтыру пункттерінің иелері ай сайын, есепті кезеңнен кейінгі айдың 5 (бесінші) күнінен кешіктірмей, облыстың, республикалық маңызы бар қаланың, астананың жергілікті атқарушы органына осы Қағидаларға 1-қосымшаға сәйкес тұрмыстық баллондардың айналымы және тұрмыстық баллондарда өткізілетін сұйытылған мұнай газының көлемі туралы уәкілетті органның ақпараттық жүйесі арқылы ЭЦҚ-мен қол қойылған ақпарат жібереді.

24. Облыстың, республикалық маңызы бар қаланың, астананың жергілікті атқарушы органы ай сайын, есепті кезеңнен кейінгі айдың 15 (он бесінші) күнінен кешіктірмей, облыстың, республикалық маңызы бар қаланың, астананың бөлінісіндегі осы Қағидаларға 2-қосымшаға сәйкес ЭЦҚ-мен қол қойылған тұрмыстық баллондарда өткізілетін тұрмыстық баллондардың айналымы және сұйытылған мұнай газының көлемі туралы жиынтық ақпаратты уәкілетті органның ақпараттық жүйесі арқылы уәкілетті органға ұсынады.

**Ескерту. 24-тармақ жаңа редакцияда - ҚР Энергетика министрінің 21.11.2024 № 409 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

Тұрмыстық баллондарды  
сәйкестендіру және тұрмыстық  
баллондарды есепке алу  
жүйелерінің жұмыс істеу  
қағидаларына  
1-қосымша  
1-нысан

**Тұрмыстық баллондар айналымы және тұрмыстық баллондарда өткізілетін сұйытылған мұнай газының көлемі туралы ақпарат**

**Ескерту. 1-қосымша жаңа редакцияда - ҚР Энергетика министрінің 21.11.2024 № 409 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.**

Ұсынылады: облыстың, республикалық маңызы бар қаланың, астананың жергілікті атқарушы органына.

Әкімшілік деректерді өтеусіз негізде жинауға арналған нысан интернет-ресурста орналастырылған: [www.egsu.energo.gov.kz](http://www.egsu.energo.gov.kz)

Әкімшілік нысанның атауы: Тұрмыстық баллондар айналымы және тұрмыстық баллондарда өткізілетін сұйытылған мұнай газының көлемі туралы ақпарат.

Әкімшілік деректерді өтеусіз негізде жинауға арналған нысанның индексі: 1-ТБАА.  
Кезеңділік: ай сайын.

Есепті кезең: 20\_\_ жылғы \_\_\_\_\_ айы.

Әкімшілік деректерді өтеусіз негізде жинауға арналған нысанды ұсынатын адамдар тобы: газ толтыру пункттерінің иелері.

Әкімшілік деректерді өтеусіз негізде жинауға арналған нысанды ұсыну мерзімі: ай сайын, есепті кезеңнен кейінгі айдың 5-інен (бесінен) кешіктірмейтін мерзімде.

ЖСН/БСН

--	--	--	--	--	--	--	--	--	--	--	--	--	--	--	--	--	--	--	--

Жинау әдісі: электронды түрде.

№	Тұрмыстық баллонды өткізетін облыс, республикалық маңызы бар қала, астана, аудан (облыстық маңызы бар қала) елді мекен	Тұрмыстық баллонды сатып алушының ТАӘ	Тұрмыстық баллонды сатып алушының ЖСН	Тұрмыстық баллонды сатып алушының мекенжайы	Тұрмыстық баллонның бірегей коды	Тұрмыстық балон көлемі (л)	Тұрмыстық баллонның бірегей зауыттық нөмірі	Тұрмыстық баллонды өткізу күні
1.	2.	3.	4.	5.	6.	7.	8.	9.

Атауы \_\_\_\_\_

Мекенжайы \_\_\_\_\_

Телефон \_\_\_\_\_

Электрондық пошта мекенжайы \_\_\_\_\_

Орындаушы \_\_\_\_\_

қолы, телефон (тегі, аты және әкесінің аты (бар болған жағдайда)

Басшы немесе оның міндетін атқарушы адам \_\_\_\_\_

қолы \_\_\_\_\_

(тегі, аты және әкесінің аты (бар болған жағдайда)

Мөрдiң орны (жеке кәсiпкерлерлiк субъектiлерi болып табылатын тұлғаларды қоспағанда)

"Тұрмыстық баллондар  
айналымы және тұрмыстық  
баллондарда өткiзiлетiн  
сұйытылған мұнай газының  
көлемi туралы ақпарат"  
әкiмшiлiк деректердi жинауға  
арналған нысанға  
қосымша

**"Тұрмыстық баллондар айналымы және тұрмыстық баллондарда өткiзiлетiн сұйытылған мұнай газының көлемi туралы ақпарат" әкiмшiлiк деректер нысанын толтыру жөнiндегi түсiндiрме (Индексi: 1-ТБАА, кезеңдiлiгi: ай сайын)**

"Тұрмыстық баллондар айналымы және тұрмыстық баллондарда өткiзiлетiн сұйытылған мұнай газының көлемi туралы ақпарат" әкiмшiлiк деректер нысанында мынадай деректер енгiзiледi:

1-бағанда реттiк нөмiрi көрсетiледi, бұл ретте кейiнгi ақпарат реттiк нөмiрлеудi үзбейдi;

2-бағанда Әкiмшiлiк-аумақтық объектiлер жiктеуiшiне (ӘАОЖ) сәйкес тұрмыстық баллонды өткiзетiн облыс, республикалық маңызы бар қала, астана, аудан (облыстық маңызы бар қала) елдi мекенi көрсетiледi;

3-бағанда тұрмыстық баллонды сатып алушының тегi, аты және әкесiнiң аты (бар болған жағдайда) көрсетiледi;

4-бағанда тұрмыстық баллонды сатып алушының жеке сәйкестендiру нөмiрi немесе бизнес сәйкестендiру нөмiрi көрсетiледi;

5-бағанда тұрмыстық баллонды сатып алушының мекенжайы көрсетiледi;

6-бағанда тұрмыстық баллонның бiрегей коды көрсетiледi;

7-бағанда тұрмыстық баллон көлемi көрсетiледi;

8-бағанда тұрмыстық баллонның бiрегей зауыттық нөмiрi көрсетiледi;

9-бағанда тұрмыстық баллонды өткiзу күнi көрсетiледi.

Тұрмыстық баллондарды  
сәйкестендiру және тұрмыстық  
баллондарды есепке алу  
жүйелерiнiң жұмыс  
iстеу қағидаларына  
2-қосымша  
2-нысан



**Тұрмыстық баллондар айналымы және тұрмыстық баллондарда өткізілетін сұйытылған мұнай газының көлемі туралы жиынтық ақпарат**

Ескерту. 2-қосымша жаңа редакцияда - ҚР Энергетика министрінің 21.11.2024 № 409 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

Ұсынылады: уәкілетті органға.

Әкімшілік деректерді өтеусіз негізде жинауға арналған нысан интернет-ресурста орналастырылған: [www.egsu.energo.gov.kz](http://www.egsu.energo.gov.kz)

Әкімшілік нысанның атауы: Тұрмыстық баллондар айналымы және тұрмыстық баллондарда өткізілетін сұйытылған мұнай газының көлемі туралы жиынтық ақпарат.

Әкімшілік деректерді өтеусіз негізде жинауға арналған нысанның индексі: 2-ТБАЖА.

Кезеңділік: ай сайын.

Есепті кезең: 20\_\_ жылғы \_\_\_\_\_ айы.

Әкімшілік деректерді өтеусіз негізде жинауға арналған нысанды ұсынатын адамдар тобы: Облыстың, республикалық маңызы бар қаланың, астананың жергілікті атқарушы органы.

Әкімшілік деректерді өтеусіз негізде жинауға арналған нысанды ұсыну мерзімі: ай сайын, есепті кезеңнен кейінгі айдың 15-інен (он бесінен) кешіктірмейтін мерзімде.

ЖСН/БСН

--	--	--	--	--	--	--	--	--	--	--

Жинау әдісі: электронды түрде.

№	Газ толтыру пунктiнiң атауы	Тұрмыстық баллонды өткізетін облыс, республикалық маңызы бар қала, астана, аудан (облыстық маңызы бар қала)	Өткізілген тұрмыстық баллон саны (дана)	Тұрмыстық баллондарда өткізілетін сұйытылған мұнай газының көлемі (литр)
1.	2.	3.	4.	5.

Атауы \_\_\_\_\_

Мекенжайы \_\_\_\_\_

Телефон \_\_\_\_\_

Электрондық пошта мекенжайы \_\_\_\_\_

Орындаушы \_\_\_\_\_ қолы, телефон

(тегі, аты және әкесінің аты (бар болған жағдайда))

Басшы немесе оның міндетін атқарушы адам \_\_\_\_\_

қолы \_\_\_\_\_

(тегі, аты және әкесінің аты (бар болған жағдайда))

Мөрдiң орны

(жеке кәсiпкерлерлiк субъектiлерi болып табылатын тұлғаларды қоспағанда)

"Тұрмыстық баллондар  
айналымы және тұрмыстық  
баллондарда өткiзiлетiн  
сұйытылған мұнай газының  
көлемi туралы жиынтық  
ақпарат" әкiмшiлiк деректердi  
жинауға арналған  
нысанға қосымша

**"Тұрмыстық баллондар айналымы және тұрмыстық баллондарда өткiзiлетiн сұйытылған мұнай газының көлемi туралы жиынтық ақпарат" әкiмшiлiк деректернысанын толтыру жөнiндегi түсiндiрме (Индексi: 1-ТБАЖА, кезеңдiлiгi: ай сайын)**

"Тұрмыстық баллондар айналымы және тұрмыстық баллондарда өткiзiлетiн сұйытылған мұнай газының көлемi туралы жиынтық ақпарат" әкiмшiлiк деректер нысанында мынадай деректер енгiзiледi:

1-бағанда реттiк нөмiрi көрсетiледi, бұл ретте кейiнгi ақпарат реттiк нөмiрлеудi үзбейдi;

2-бағанда газ толтыру пунктiнiң атауы көрсетiледi;

3-бағанда тұрмыстық баллонды өткiзетiн Әкiмшiлiк-аумақтық объектiлер жiктеуiшiне (ӘАОЖ) сәйкес облыс, республикалық маңызы бар қала, астана, аудан (облыстық маңызы бар қала) көрсетiледi;

4-бағанда өткiзiлген тұрмыстық баллон саны көрсетiледi;

5-бағанда тұрмыстық баллондарда өткiзiлетiн сұйытылған мұнай газының көлемi көрсетiледi.